

SASTANAK DRŽAVNE KOMISIJE ZA GRANICE BIH I KOMISIJE ZA GRANICE CRNE GORE

12.12.2024 19:41



Jedan u nizu sastanaka Državne komisije za granice Bosne i Hercegovine i Komisije za granice Crne Gore je održan u Sarajevu. Naime, dvije države su potpisale Ugovor o granici 2015. godine u Beču koji je ratificiran 2016. godine u parlamentima dvaju država. Nakon toga se pristupilo procesu obilježavanja granične crte te su usvojeni i potrebni dokumenti kao što su „Uputstvo za obilježavanje državne granice“, „Uputstvo za izradu dokumentacije o državnoj granici“ te Projektni zadatak „Obilježavanje državne granice između Bosne i Hercegovine i Crne Gore“.

Tema sastanka je bila analiza dosadašnjih aktivnosti priprema za obilježavanje i moguće utvrđivanje dinamike obilježavanja granice između dvaju država te aktivnosti na određivanju tromedne točke između Bosne i Hercegovine, Crne Gore i Republike Hrvatske, kao i pitanje materijalizacije tromedne tačke između Bosne i Hercegovine, Crne Gore i Republike Srbije.

Istaknuto je zadovoljstvo dosadašnjim realizovanim aktivnostima u rješavanju graničnih pitanja i izražena velika želja nastavka i dovršetka procesa obilježavanja državne granice između Bosne i Hercegovine i Crne Gore.